

Шунмгъа кӧдлмшӧр олд тоомсрта болцхасн ӱкрчнр

1956 джилн ноябрь сард Красноярск краин Канск зерносовхозас тӧрскн газрун, Юстинск района, Бурунск поселкд кесг ӧрк-бул нуудж ирлӧ, теднлӧ хамдан Бадмин Николай бас нуудж ирлӧ.

Газр-усан ӱздж байсал, байн ӧргн теегиннь уняртгсн намрин ӧруниг гӧӧхджӧгӧд, Бадмин Николай ниждж келв:

—Тӧрскн газртан ирсн—негдгч ик байр, хойрдгчнь—ачиктӧ тӧрскидӧн сӧӧнӧр кесн кӧдлмшӧрн ханлтан медӱлхмн. Тиигхлӧ, малд орх кергтӧ, мал хӧрӱлх улс кӱрчӧхш.

Бурунск совхозин негдгч фермин толгӧачла кӱӱндвр кедж, шӱдн уга, кӧгшн, догълнъ, му гурт бий деерӧн даадж эн авла.

Эццн мал бий деерӧн авсн, ташр эврӧн дала ик дамшлт уга, ӱӱрмӱднъ чигн мал хӧрӱлдж дамшад уган учрар, тӱрӱн цагт кӱнд болад бӧӧв.

Хаша-хаацнь хамхрха, идгнь му билӧ. Тегӧд эдн сӧн гидгӧр шалгӧан хурцлдж, ӧвснӧ сӧӧнӧснь, кӧкӧснь ӱӱрмгӧр керчдж малдан ӧгчӧхмн, усинь бӱлӧлдж, ӧдрт гурв дакдж услджахмн гидж кӱӱнддж, шиидцхӧв. Голин хулс-нас ахр-ахраснь хаддж авч

ирӧд, кевтринь ясджав.

Эдн гурвн-дӧрвн хонгин дотр хашагӧан ясдж авцхав. Дулан хашад малмудан бӧрӧд, хот-холинъ болн усинь сӧӧнӧр ӧгчӧснӧ ашнь йир сӧн болдж гарв. Энӱвӧс авн малмудин чинӧнь тегш ясрв.

Хавр эклснӧс авн эдн малмудан сӧӧнӧр хӧрӱлдж, дигтӧ цаглань услдж, сӧӧднъ чигн гаргӧдж, идӱллг болцхав. Тиигдж сӧн килмджӧн ӧгчӧсн учрар, ӱкрмӱднъ йоста кевӧр таргӧлад, ясрв.

ӱр Бадмин Николай 111 ӱкрӧс 112 ӧмд тугӧл авб. Тер тугӧлмудиг асрдж, гару угагӧар совхозд ӧгв. Бадмин Николай кӱч-кӧлсчирин депутатирин Юстинск района Советин депутатд сунгӧгӧдв.

Кӱндтӧ сӧн ах малч болсндан ӱр Бадмин Николай Цугсоюзин селӧнӧ эдл-ахун гӧӧхӱлд одв.

Ах ӱкрч Бадмин Николай, ӱӱнӧ дарук малчнр Чимдӧ Лӧня болн Убушин Сергей ӧмнь хӧрӱлдж йовсн малмудан талдан ӧмтнд ӧгӧд, гунджд-дӧнджд ода авч хӧрӱлджӧнӧ. Эднӧн таргӧн-цатхлнъ бӧрдж, ӱс-тос икӧр гаргӧдж авхин аргъ хӧӧдж шунджацхана.

АХ-МАНДЖИН Лага.